

# ICISHIBILO CAKWA MESSIYA



Natukontamike imitwe yesu pakashita akanono.

Mwe Lesa, ilyo twaumfwa ulya lwimbo, “Yesu ali mupepi, kabili ifintu fyonse kuti fyacitwa,” cilansamusha imitima yesu ukwishiba ukutila cilya cili ukucila palwimbo. Cena e Cine. Imwe muli muno. Shikulu, Ndecetekela Imwe mwacibafye fye kunuma ye hema ino ine nshita, naimwe; ulya namayo munono uwikete ulyo mwana munono, uubombele, mumfula; kabili ulyo mulumendo uuleita umutemwikwa wakwe, kulya lubali mucipatala, uulefwa. Umfweni amapepo yesu, Shikulu. Kuliko abantu abekele muli cino chalichi akasuba konse, ukutula naini koloko muno lucelo. Bena balelelela ukumumona Imwe, Shikulu. Bena nabatumfwa tulelanda ileelo ukutila Imwe mwalibuka ukufuma kubafwa. Kabili Iwe niwe umowine Yesu uuli no mweo muno bushiku, panuma yamyaka umwanda umo na pabula. Ucilifye Yesu. Kabili twapepa, mwe Lesa, ukutila Imwe mwalaundapa umuntu onse umulwele uuli Mukubapo kwa Maka ayakalamba. Leken i ukutila peba nangu umo umuntu uwanaka pakati kesu lintu uku ukulongana kwapwa. Tulangisheni fye ifwe, Shikulu, ukutila Imwe muli pano.

<sup>2</sup> Ifwe tuletontonkanya pa bantu babili abali pali ulya ulucelo lwe Pasaka, abo abali abatompoka. Ukwabula ukutwishika, lelo abengi pano bali abatompoka muno nshita yabushiku, abalwala nokukana undapwa, ba dokota balifilwa. Kabili nga fintu bena baleya mu musebo wabo kwali Umweni Uwaendele ukwisa nokulanda pamo nabena, balelanda palwa Malembo, akasuba konse. Kabili mu nshita ya bushiku, ilyo Ena abasangile mu muputule nokwisala icibi, Acitile icintu cimo. Ena acitile ico munshilafye Acitilemo ilyo talataninkwa, kabili bena balishibe ukutila ulya ali ni Shikulu uubukile. Alubile pa cinsu cabo. Babutwike bwangu bwangu ukubwelelamo ukuyaeba bambi ukutila, “Ena nabuka ukufuma ku bafwa.”

<sup>3</sup> Lesa, twapepa ukutila Alaisa pakati kesu muno bushiku nokucita fimo fine ifyo Ena acitile ilyo ukutanikwa Kwakwe takulacitika. Imyaka imyanda ikumi na pabula tacili icintu nangu cimo kuli Ena; Ena wa Muyayaya. Kabili lekeni abengi pano buno bushiku bangufyanye ukuya bwangu bwangu, nokweba abakashi babo, abalume babo, abatemwikwa babo, abena mupalamano babo, “Ena ali no mweo! Amonekele kuli ine muno bushiku! Naundapa ukulwala kwandi! Nalaba uwaundapwa bwino.” Fikilisheni ici, Taata. Twaipusha ico mwi Shina lyakwa Yesu. Amen. (Kuti mwaikalako.)

<sup>4</sup> Munjeleleko ukutila ishiwi Lyandi lilesasala, lelo Ine nabafye uwapamfiwa mukulanda, mukubatisha; nalikwete

fulunyense, mukubalilapo, ukutulafye apo Nabwelela kulya ku Florida nakulya ku filila. Ningile ukuya mu lucelo nomba, ku California, mupepi fye no mweshi uutuntulu uwakulongana. Eico Ninjipusha Munyina Neville nga cakutula kuti anshimikilako muno bushiku, kabili Ndi uwashininkisha ukutula imwe namumfwa imbila iyawama. Ifwe twacisangalala mukulongana kwa lucelo ukufuma kuli Munyina Neville. Kabili natucetekela ukutula Lesa aletwalililapo ukuba pamo na ena nacino ichalichi ilyo alekumba kuno.

<sup>5</sup> Nomba Nacikumanyafye Billy kulya kunse, kabili aciba kwati acinkumyamo ku lubali, kabili acitila, “Taata, abantu na beminina kuno, kabili bamo muli bena bali kuno akasuba konse.”

<sup>6</sup> Nacitila, “Ukuba, Ndi uwansansa ukutula ukulongana kwesu kwapalama ku mpela, eico imwe tamulingile ukwiminina.” Kabili yacilaloka. Kabili lintu Nacisa mu cikulwa, abaupana abanono bacilafuma muli motoka kulya kwine, no mwana umunono umulwele, kabili acilalokwa nabomba. Acifilwa nokwingila pa mwinshi. Lelo uwashininkisha ngafintu Njiminine pano, Lesa acundapa ulya mwana, ninshi ninjiminina kulya kunse. Um-hum. Ifyo Asuka amapepo!

<sup>7</sup> Kabili nomba panuma ilyo twashimikila ileelo, kabili muno lucelo Nacishimikila pa masambililo yasano: *Ukuba no mweo, Ukufwa, Ukushikwa, Ukubuuka, Ukwisa.*

Ukuba no mweo, Ena alintemwa; ukufwa, Ali  
mpususha;  
Ukushikwa, Alisenda imembu shandi ukutali;  
Ukubuuka, Anungamika apabula umutengo  
umuyayaya:  
Ubushiku bumo Ali nokwisa—oh, we bushiku  
bwa bukata!

Twaikala, tulemona muno bushiku, ukulolela ukumoneka Kwakwe.

<sup>8</sup> Mulandu nshi tubelele abatitikana muno? Mulandu abantu beshila mukumfwa i Mbila nsuma? Cibe, muku icefya kwa Iko, Yena e kadi ikalamba mukwita iyo isonde talyatala alikwatapo. Yesu atile, “Nga cakutula Nasumbulwa pa muulu, Ndi nokuleta abantu bonse kuli Ine.” Nomba icintu cili icakutula, bushe ubu bukapepa tulandapo, bushe butuntulu? Bushe e Cine? Nga cakutula e Cine, ninshi ifwe kuti twacetekela i Cebo conse Baibele yalandapo. Nga cakutula cena te Cine, ifwe tatukwete nangu cimo icakucita na cena, tufwile fye twatwalililapo ne membu shesu; ukulya, ukukolwa, epali mailo twafwa. Lelo Ndetotela apakalamba pakwishiba ukuti Ici ico ifwe tulelandapo e Cine! Kabili ebukapepa fye mwi sonde. . . Cibe, icanambala ya bune, cibe bwena ebukapepa bumo mwi

sonde ubo Kasanga afwile noku buuka nakabili, kabili ali no mweo muno bushiku.

<sup>9</sup> Nalimona mwipepala, pano mwipepala lyamu musumba ubushiku bumbi, apo basangile umuntu, Buddha, eflyo bamukusha. Mwebengi mwalimona ico mwipepala. Basangile umuntu uwabu Buddha bunono uyo uucita ifintu kwati fintu Buddha acitile; ifyo fine, tacitilepo ifisungusho, lelo ukufundisha kwakwe ne fintu fyonse fyali fye kwati ni Buddha. Nga cakutula Buddha alikwata umuntu mwibala, umo uwabufi; Lesa alikwata Mupashi wa Mushilo mwibala, u Mupashi uwacine uwakwa Lesa.

<sup>10</sup> Nomba, twacilanda palwa ifi fintu fyawama, lelo bushe kuti fyabomba? Bushe Mushilo. . . Bushe Mupashi wa Mushilo kuti aelela umuntu ku membu shakwe? Bushe kuti Aundapa amalwele yakwe? Icinicine, kuti Acita. Ena ni Lesa, munshita shonse. Nomba, ngacakutula ifwe kuti wacita. . . Ngacakutula Yesu aisa pakati keso kabili noku ishininkisha Umwine palwakwe, Ali uwamweo pano muno bushiku pakati keesu, cena cifwile ukupanga uuli onse pali ifwe ukucetekela ubulayo bonse ubo Akwata muli Baibele.

<sup>11</sup> Bushe palipo umuntu umo uushatala sangwa muli kuno ukulongana kwandi kunuma? Lekeneni mone amaboko yenu, uyo uushata sangwa mukulongana kunuma. Loleshenifye, mucituntulu ni citika we bumba!

<sup>12</sup> Ine nshundapa. Nshacetekela—nshacetekela ukutula kwaliba umuntu uwaba kondapa. Yesu Kristu e Kondapa.

<sup>13</sup> Kabili Atile, lintu Ali pano pe sonde, ulya Lesa ali ni Kondapa. Nomba, lintu Ali pano pe sonde, Talandile ukuba Kondapa, lelo Alangishe ku bantu icishibilo cabu Messiya Bwakwe, kabili na cilya icishibilo cabu Messiya cali cakwishiba ica nkana ca mitima yabo. Nibanga abeshibe ukutula ico e cine?

<sup>14</sup> Lintu Aebele Petro, lintu aishile kuli Ena, amwebele ishina lwakwe ifyo lyali, ne shina lyakwa wishi ifyo lyali; Petro acetekelo munshila iyaba ifyo fine, ne cicetekelo icaba ifyo fine, icakutula Yesu amupele imfungulo sha Bufumu, kuntanshi, kabili noku mubika pa muulu wa Chalichi.

<sup>15</sup> Lintu Filipi asangile Natanaele mwisamba lya cimuti, nokumweba ukutula, “Isa noku mona Untu Nasanga, Yesu umwina Narazeti, umwana wakwa Yosefu.”

<sup>16</sup> Kabili ulya kapepa waiminina atile, “Bushe kuti kwaba icintu icisuma icingafuma mu Nazareti?”

<sup>17</sup> Ena amupele ubwasuko ubusuma ubo umuntu onse engapela. Atile, “Isakumona. Wilasusha fye cena. Isa, lolesha we mwine palobe.”

18 Kabili lilya line fye Filipi aishile na Natanaele, Yesu atile kuli ena, “Mona umwina Israeli, uyo muli ena tamwaba ubucenjeshi!”

Atile, “Nilisa Mwanjishibe, Rabbi?”

Atile, “Ilyo Filipi talakwita, Nacikumona mwisamba lya cimuti.”

Atile, “Iwe uuli Mwana wakwa Lesa, i Mfumu yakwa Israeli.”

19 Aebele umwanakashi pa cishima ico icali mu mutima wakwe. Ifi fintu fyashininkishe ukutila Ena ali ni Messiya. Kabili ngacakutila ulya Messiya na buuka ileelo ukufuma kubafwa, kabili alipanga ne cikonsolwelo, nokundapa abalwele besu kabili nokwelela imembu shesu, nomba icintu fye cimo ico Engacita kulangisha cilya icishibilo cimo cine ukubwela nakabili, ukutila Ali mweo ukupanga ubulayo ubuli bonse Ubo apangile, ubusuma. Bushe ico e cine? Lekeni tucetekele ico nomba ilyo tulepepa.

20 Shikulu, abantu balelolela. Cimo i Cebo ukufuma kuli Imwe calaba ukucilapo pali Munyina Neville nangu kuti Nalanda munshita ishing'i isha bwikashi. Cimofye icebo. Nomba, pali citika webumba ili abo abashatala mona ukulongana kunuma. Shiku Lesa, Kabumba wa Myuulu ne sonde, tumeni Amaka yakwa Yesu Kristu muno mumuputule, Umo uwabuuka, Mupashi wa Mushilo ulya uwaishile pa Pentekosti, kabili lekeni Asube abantu. Lekeni Mbe uwingacita, nangulafye muli uku ukusasala, ukuinasha palwandi nemwne mukupwililika ku Mupashi Wakwe, ukutila Engasosela ukupitila muli ili shiwi lyaonaika ilyo Napela kuli Ena, ukulolesha ukupitila muli aya menso ayo Napela kuli Ena, ukulangisha ifimonwa ne fintu ifyo ifyalalanga abantu bamone ukutila Alibuuka ukufuma kubafwa. Kabili lintu aba bantu bamona ico, lekeni ibumba lyonse lipokelele ubulayo buntu Alaile. Ngacakutila nababembuka, lekeni ba Mupokelele pakubelela. Ngacakutila naba kwata abalwele, lekeni bena beshibe ukutila mufipumo Fyakwe twalyundapwa. Fikilisheni ico, Shikulu. Twaipusha ico mwi Shina lyakwa Yesu. Ameni.

21 Nomba kwiilangisha ukukalamba. Pano, ku cinso cabantu imyanda ibili nangu itatu iya bantu, cena nacanguka. Lintu iwe waiminina kucinso ca myanda amakanda yasono, citika wa millionsi, ifintu fimo fine filacitika. Ena ni Lesa. Nomba nibanga muno abalwele kabili balefwaya ukubapepelako, umyeniko amaboko yenu. Mwamona, mupepi na citika wenu, nangu ukucilapo. Tekuti mbalete bonse pano pamuulu. Ndetontokanya...Nalaipusha Billy nakabili. (Mwipusheni ngacakutila acipela amakadi yakupepelwa. Nomba, bushe acicita—bushe acicita ico?) [Munyina atila, “Ee.”—Kale.] Cisuma. Cisuma.

<sup>22</sup> Umulungu Wafumineko nangu inshita yakulekelesha Nali pano, tabapele nangu yamo amakadi yakupepelwapo, kabili Naipwishefye natile, “Nibanga abantu pano abashatala abasangwamo mukulongana kunuma”? Abengi baimishe amaboko yabo, ukutila tabatalile abasangwamo mukulongana. Ilyo ninshi bena baimine nabemyako na maboko yabp muuulu, Mupashi wa Mushilo atwalililepo, ukulabela bena abo bali kabili nefyo amalwele yabo yali, kabili nefyacitapo; kabili aundape abantu mukupwilika, mpaka amapwa londa ne fintu fyafuminepo, mpaka nefyakubombelwa tafya citike. Nibanga abali pano ukumona ifyo pa milungu inono iyapitapo?

<sup>23</sup> Ngacakutila napeela amakadi ya kupepelwapo, nombatawala. Ico calapela abantu bapa ng’anda, kabili tebantubapa bapa ng’anda; bantu abo abasangilwe mu kulongana, abantu abashisangilwemo; ukwisa mu mulongo wakupepelwa. Ifwe tekuti tubule bonse pano pamuulu pamuku umo. Twakulabaleta mumutalalila ngefyo twingacita.

<sup>24</sup> Kabili Ndefwaya imwe mube aba cishinka pamo na Lesa. Ba uwa cishinka naiwe wemwine palobe. Kabili ngacakutila Yesu Kristu kuti aisa pakati keso nokucita nga fintu Acitile lintu Ali pano pe sonde, ukwenda mu Galili, ufwile wa Mupokelela pa cintu conse ico ulekabila. Taufwile ukwisa pano pamuulu wacintamba. Aloleshafye pa cicetekelo. Kwalaba abantu bamo pano abo abalwele mulya mwibumba, abo abashikwete nangu ni kadi ya kupepelwapo, bena balaundapwa nangu cibe ifyo. Nibanga abalwele kabili tabakwete kadi yakupepelwapo? Imyeniko amaboko yenu mu muulu. Ukuba, teyengi amakadi yakupepelwapo ayapelwe kuli bena nombata, mwamona. Cisuma, imwe cetekelenifye. Loleshenifye kuli iyi nshila.

<sup>25</sup> Lekenimilange ico Yesu acitile lintu Ali pano pe sonde. Kwali umwanakashi, panshita imo, uwaishile kuli Ena. Kabili ena alifililwe ukwingila mu lyashi. Takwete kadi ya kupepelwapo, lelo aikete kusempe yacakufwala Cakwe, pantu alandile mu mutima wakwe ukutila, “Ine nalishiba ukutila ulya Muntu alalanda Icine. Ngacakutila fye kuti Naikata ku cakufwala Cakwe, Ine nalaundapwa.” Kabili aikete icakufwala Cakwe, afumine aile mwibumba limbi imiku iingi ukucilapo iyi.

Yesu apilibwike, nokutila, “Ninani uwa Nkumya?”

<sup>26</sup> Petro ali mukalipile Ena, nokutila, “Mulandi nshi Iwe wingepushisha icintu camusango uyo, ilyo bonse baleesha ukukwikatamo Iwe?”

Atile, “Lelo Nailuka ukutila Ine naumfwa ukunaka.”

<sup>27</sup> Ifimonwa filaleta ukunaka. Iwe kuti wafilwa ukuya apatali nafyena. Kabili Atile, aloleshe ukushinguluka lyonse ibumba mpaka Asangile umwanakashi, kabili amwebele ukutila ena alikwete icilopa, kabili necicetekelo cakwe nacimundapa.

28 Nibanga abaishiba ico? Baibele yatila ukuti, “Yesu Kristu ileelo ni Shimapepo Mukalamba uyo twingekatamo mukumfwa ukwabwafya bwesu.” Bushe ico nacilungama? Ukuba, nga cakutla Ali ni Shimapepo Mukalamba, uyo untu twingekata ukupitila mukumfwa ukwabwafya bwesu, bushe Ena tekuti acitefye nga filya Acitile lilya, nga cakutla Ena aba cimo cine mailo, ileelo, no muyayaya?

29 Nomba imwe mwebashikwete ama kadi yakupepelwapo lolesheni uku lubali, nokulanda mu mutima wenu, “Shikulu, Nacetekela no mutima wandi onse, kabili Nacetekela ukutla Imwe mwalamposha. Kabili lekeni ine injikata insalu Yenu. Kabili Imwe landileni ukupitila muli Munyina Branham no kumweba, kwati fintu fye Imwe mwacitile ku mwanakashi, kabili Nalacetekela Imwe.” Bushe iwe kuti waba uwacishinka, nokucetekela Lesa nomutima obe onse?

30 Billy Paul acilanda, acilanda ama mineti fye ayanono ayapitapo, aciminina pano, naimwe mwacipela ubupe ubwakutemwa kuli ine. Nshacilafwaya icaba ifi ukucitika. Cilya caciba. . . Lelo, ndemitotela imwe, umusango umo wine. Ndekabila wena pabulendo bwakuya ku California. Ndi nokubika wena kumulimo wa Mbila nsuma.

31 Imisangulo iinono iyo mumpela, imwe muleshiba icicitika kuli yena? Naile ku Puerto Rico kabili naku Jamaica imilungu iinono iyapitapo, uko balebele abapilibwike amakana yane munshita shabushiku pabula. Cinshi ica citile ico? Fyekumi fyenu. Lintu Nafumine naya, mwine mushi wamu. . . kapingula wapacilila aiminineko, atile, “Ifwe twalikwata bakasabankanya ba mbila nsuma muno abo abasenda ifyabupe ifikalamba, kabili paposwa impiya ishikalamba. Lelo,” atile, “lintu Munyina Branham aishile, ena talombele pe kobili lya lupiya, tatalile atwipusha ifwe ukulipila umutengo wapa hotela. Kabili alipile ulupiya lwetiketi, ukuya nokubwela.” Cinshi cacitile ico? Lupiya lwenu. Ine ndefwaya ukuba uwashininkisha ukutla Nalubomfya bwino. Eico, pa Cipuna ca Bupingushi, ilyo Nkeminina ku cinso cenu na Lesa, nkalubulwilapo pali ico, nga cakutla cacitwa bwino. Nalibulile cena nemwine, cikulu Ine kuti naba uwakuya, ukucita icawamisha ico Ningacita kubukata Bakwe.

32 Nomba tekuti tulete ama kadi yonse ayakupepelapo pakuku umo, eico Nalaletafye yena pano, ayanonofye pa nshita imo.

33 Ninani uukwete kadi yakupepelapo iyanambala wanu? Kuti waimyako ukuboko kobe pamuulu ngacakutla kuti waimako. Aali kulya kunuma, ninamayo wafita. Isa kuno muli iyi-nshila, na mayo. Panga inshila yobe ukwisa kabili isa pano ku lubali lwa cino icintamba. Nomba ninani akwete kadi yakupepelapo iya nambala fibili? Ngakuti waimininako, imyako ukuboko kobe, kadi yakupepelapo iyanambala fibili. Nina mayo wabuuta pano. Cisuma, namayo, isa pano pa muulu noku konka pali

uyu namayo wafita pano pa muulu, pano pene. Nomba lekeni bashinguluke *muli* iyo nshila, Doko, nombaline lintu pano pa isuula.

<sup>34</sup> Kadi yakupepelapo, innambala ya butatu, ikataneni amaboko nga kuti mwacita ico. Bashimucindikwa abali pano pene, mukwai. Inambala ya ciine, ngakuti kuti mwaikatana amaboko. Cisuma, namayo ali pano pene. Inambala ya cisano, ngakuti mwaikatana amaboko yenu. Ni uyu umulumendo ali pano pene. Ukuba nefyo cili, umuntu onse pali aba bantu mweni kuli ine. Inambala ya mutanda, ngakuti waimya ukuboko kobe, inambala ya mutanda. Bushe Nimpunda inambala ya busano? Kabili ne nambala ya mutanda, nao mweni kuli ine. Inambala ya cine lubali, bushe kuti waimyako ukuboko kobe? Imyako ukuboko kobe, ninani akwete inambala ya cine lubali. Cisuma, Nincetekela Nalimwishiba ulya muntu. Ni—Nincetekela Nalimwishiba. Inambala ya cine konse konse, bushe kuti waimyako ukuboko kobe ngakuti wacita ico. Nina mayo pano. Cisuma, inambala ya pabuula. Cisuma, namayo. Inambala ye kumi. Cisuma, inambala ye kumi, yakwa namayo.

<sup>35</sup> Palipo icilubo pamo. Ninambala nshi iyakwa uyu mwaume pano? Umuntu umo nalolesha, imwe bamo mwebaleteka abantu iseni pano mumone. [Nkashi atila, “Ni nambala amakumi cine konsekonse na-fiine.”—Kale.] Amakumi cine konsekonse na fiine. Yena yaciba ni nambala ye kumi iyo Nacilapunda lilya, natotela, inambala ye kumi. Lelo tuleisa fika pali iwe nangu cibe ifyo. Ico nacilungama. Lolesha, Naishiba inambala yobe nomba. Yena makumi cinekonse-konse na fiine, tefyo iili, iwe wa landa ukutila amakumi cinekonsekonse nangu icintu cimo icaba ngefyo? Cisuma, iwe lolalakofye palya. Iwe cetekelafye. Ndekweba, ngataulefwaya ubomfye iyo kadi, kadi yakupepelwapo, iwe lolesha kuli ulu lubali nokucetekela Lesa, kabili umone ngacakutila Lesa alaasuka ipepo lyobe. Cisuma.

<sup>36</sup> Inambala, bushe ilya yaciba iye kumi? Ikumi limo na cimo. Cisuma, ikumi limo na fibili. Nomba, ngacakuti wafilwa ukwimininako, ubefye. . . Inambala ye kumi limo na fibili. Ikumi nafitatu, kulya kunuma. Ikumi na fiine, inambala ikumi na fiine, kulya kunuma. Inambala ikumi na fisano.

<sup>37</sup> Bena balepela konsekonse. Abalumendo balepela, tilenifye, “Ninani alefwaya kadi yakupepelwapo? Imweniko amaboko yenu.” Yabuleni nokuyasakanya pamo, ukuti peba nangu umo uufwile ukwishiba nani uwalapoka lisa. Kabili bena balapelafye muli iyo nshila.

<sup>38</sup> Inambala ikumi na fiine. Inambala ikumi nafisano, ninani akwete kadi yakupepelwapo ikumi na Fisano, inambala ukumi nafisano? Inambala ye kumi namutanda, kulya kunuma. Inambala ikumi na cinelubali. Nomba, ngacakutila uukwete inambala ikumi na mutanda ali muno mu cikulwa nangu

naiminina kunse yapakati kafipuna, iisafye kuno. Inambala. . . Njelelako, Nshimwene ukuboko kobe, nkashi, pali ico. Iwe niwe nambala ukumi na muatanda? Cisuma. . . [Nkashi atila, “Ikumi nacinelubali.”—Kale.] Ikumi na cinelubali. Ikumi na cinekonsekonse, ikumi napabuula, Inambala ikumi napabuula. umwaume kulya. Cisuma. Cisuma.

<sup>39</sup> Nomba Ndecetekela ifwe tuleisa fye mukati ka cipinda muno nomba, eico twala. . . [Munyina atila, “Cilya cili icalinga.”—Kale.] Cinshi mwatila? [“Cilya cintu calinga.”] Cilya cintu calinga ku nshita. Cisuma. Cisuma, lolekesheni ulu lubali no kucetekela. Cisuma.

Lekeni tumone, nga kalisha wa piano, uwanakilila no mutalalilwa, *Cetekela fye*, uwanakilila nganshi.

<sup>40</sup> Abantu abengi pakati kafipuna pano beni kuli ine. Nshabeshiba. Nomba muliko bamo pano abo abakwete ama kadi yakupepelwapo, bamo pano abo abakwete amakadi yakupepelwapo. Limbi kuti twaita nabambipo ukwisa mu mulongo waba kupepelwa muli ba mineti abanonofye, nombaline lintu tuleolola muli kano kashila.

<sup>41</sup> Nincetekela ukutula uyu shimucindikwa pano, Doko, eshile ingilamo ukufuma kunuma kulya, acipundwa, inambala ikumi na mutanda nangu ikumi na cine- . . . ikumi na mutanda. Cisuma, iseni bwinobwino palya noku bula icifulo cebu, mukwai.

<sup>42</sup> Nomba, ngacakutula tamwitilwe, ico tacikwete icintu nangu cimo icakucira neco, mwamona, lolesheni noku cetekela.

<sup>43</sup> [Munyina atila, “Natubulisha inambala ikumi nafisano, pamo.”—Kale.] Inambala ikumi na fisano tailipo. Limbi umuntu nafilwa ukwima. Ngacakutula naufilwa ukwimininako. . . Umuntu onse alolesha pali kadi yakupepelwapo iya muntu umbi, limbi kuti ninkoma matwi kabili tekuti omfwe. Ngacakutula ali muno, inambala ye kumi nafisano, iwe uuli uwapokelelwa ukubula icifulo cobe mu mulongo. Ngacakutula nafumapo kabili alabwela mukashita akanono, mubabikefye mu mulongo nga fintu inambala yabo ipundilwe.

<sup>44</sup> Lintu twakonka mu mulongo pano, twalaitilapo nabambi ukwisamo, ngacakutula Mupashi wa Mushilo talemoneka ukusuba icikulwa, abantu, pakuti bena bondapwe.

<sup>45</sup> Nomba, nomba ni nshita yakakata, nomba ino ninshita iyo Mfwile ukulanda limbi Icine nangu ubufi. Nomba ni nshita iyo Yesu Kristu afwile ashininkishiwa ukubuuka ku bafwa, ngateifyo ni nshi Tabuuka ukufuma ku bafwa. Nomba ni nshita iyo Afwile ukuba cimocine mailo, ileelo, nomuyaya, Ine aba cimo cine mailo, ileelo, nomuyaya. Nomba Afwile ashininkisha ukuba Kondapa, nangu Ena ukukanaba Kondapa. Kabilii ngacakutula umuntu umo adefwaya ukubula incende yandi, ukupepelako abalwele, iwe uli uwapokelelwa ukwisa nokubula incende yandi.



46 Nibanga mu mulongo wakupepelwa pano, ilyo mulelolesha pano, abo abaali mu mulongo wakupepelwa nomba, abashanjishiba, kabili naiwe nawishiba ukutila Nshakwishiba iwe nangu cimo palwa iwe, imyeniko amaboko yenu.

47 Mulya mwibumba, abo abashiba ukutila Nshaishibapo nangu cimo palwa bena, imyeniko ukuboko kwenu (cibe nokulanda namulwala) ukufuma mwibumba. Mwamona, mwaishiba imwe.

48 Nomba cinshi ico Lesa ali nokucita? Kuliko Ilembo, Umupashi Lesa uuli pano, nomba bushe ulebomba? Ngacakutila Nanakila palwandi kuli Mupashi wa Mushilo, cena cili nokubomba. Kabili tekuti cibombe kuli ine kano nainasha palwandi ku Mupashi wa Mushilo, “Palimilimo iingi iikalamba Yesu afililwe ukucita mu calo Cakwe Cine, pamulandu wakukana cetekela kwabo.”

49 Nomba iwe cetekela no mutima obe onse, ube uwa mucinshi icine cine ngefyo iwe wingacita. Iminina tondolo, mona. Ngacakutila Mupashi wa Mushilo acitapo icintu cimo, nomba usangala, nomba ucetekele.

50 Nomba, Shikulu fyonse ifyo ifwe tukwete, fyonse ifyo ifwe tuli... Nabeminina mpaka amolu yabo yaikatana pamo, nabekala mpaka bena baba mupepi nokufwa umutombo. Nomba, Shikulu, lekeni cishibikwe ukutila Imwe ninwe Lesa. Kabili Ninjita ili bumba capamo, pakulanda Kwenu. Kabili Ninjishiba pano, tekumonwa nangu ukweshwa ukucita icikalamba nangu ukucita icintu cimbi icapusanako, lelo nipa mulandu wakuti cena mulimo uwapelwa kuli ine na Malaika, kabili uwashininkishiwa ne Cebo Cenu. Lekeni cishibikwe muno bushiku ukutila Nimwe Yesu Kristu, u Mwana wakwa Lesa, uyo uwabuuko ukufuma kubafwa; kabili Imwe mwikala mu Chalichi Cenu, mu bantu Benu, ukubomba noku twalilila mu bupyungishi bumo bwine buntu Imwe mwakwete lintu Mwali pano mu mubili wa munofu. Fikilisheni ico, Shikulu. Kabili twala lumbanya Imwe, mwi Shina lyakwa Yesu Kristu. Amenii.

51 Nomba Billy Paul ali kwisa, bushe ali muno cikulwa? Bushe naya? Nangula, umuntu umo cilefwaikwa esa pano ukusenda aya amakadi yakupepelwapo, mwamona. Isa, Munyina...?... Umwanakashi nakwata kadi yakupepelwapo mukuboko kwakwe. Iwe mupele ena, mwamona.

Beni aba mucinshi icine cine nomba.

52 Nomba uyu namayo pano, ukukonkafye nefyo Naishiba, ena mwine uwapwililika kuli ine. Kabili pano pali ukubika bwino ukwa Malembo, abantu babili kabili abapusana ifyalo.

53 Yesu aishile pa cishima panshita imo, muli Yohane Washila 4, kabili akumenye umwanakashi umwina Samaliya. Kabili alandile kuli Ena pakashita akanono, mpaka Asangile ubwafya akwete. Kabili Amwebele ubwafya bwakwe. Kabili, lintu

Acitile, ena amwishibe nga Messiya. Nibanga baishiba ico? Ibukisheni ukulanshanya kwabo? Atile, “We mwanakashi, Mpelako amenshi yakunwa.” Cinshi ico Alecita? Kwikata umupashi wakwe.

<sup>54</sup> Kabili atile, “Icishima cintu cashika, kabili Iwe taukwete nangu cimo icakutapilako. Cena tacaba icamulutambi kuli Iwe uku, umu Yunda, ukwipusha umwina Samaliya ifyaba ifyo.”

<sup>55</sup> Atile, “Lelo iwe awishiba Untu ulelandako, iwe ngana Unjipusha pa menshi.”

<sup>56</sup> Kabili e ico ukulanshanya kwalitwalilile mpaka Asanga ifyo ubwafya bwakwe bwali. Nibanga abaishiba ifyo ubwafya bwakwe bwali? Ena aleikala mu bucende. E ico Atile, “Kabiye kete umulume obe no kwisa kuno.”

Umwanakashi atile, “Nshakwatapo umulume uuli onse.”

<sup>57</sup> Atile, “Ico nacilungama. Iwe walikwete basano, kabili uyo untu wikala nao nomba te mulume obe.”

<sup>58</sup> Nomba umfweni ifyo asosele. Atile, “Mukwai, Naluka ukuti Imwe muli Kasesema. Ifwe twalishiba ukuti lintu Messiya akesa Ena akatweba ifi fintu. Messiya, icishibilo cakwa Messiya, Ena akacita ici ilyo Ena akesa; pantu Ena ali ni Lesa-Kasesema, Kasesema untu Mose alandilepo.” Atile, “Ifwe twalishiba Messiya ali no kucita ici ilyo Ena akesa, lelo Niwe Nani?”

Atile, “Nine Wine neulelanda kuli iwe”.

<sup>59</sup> Kabili abutukile mu musumba no kweba abantu, “Iseni, mumone u Mwaume Uyo unjebele ifintu fintu Nacita. Bushe yu te Messiya?”

<sup>60</sup> Kabili apa paiminina umwanakashi umwina Ethiopia ku muntu umu Anglo-Saxon, umuku wakubalilapo mu bwikashi; uyo twita umwanakashi wafiita, umuntu wabuuta. Lintu lilye lipusho lyaipushiwe kulya, mukapatulula, ku cinso cakwa Yesu, Ali balengele ukwishiba bwangu bwangu: ukuti tapaba ubupusano mumalangi ya bantu. Ifwe bonse twafuma ku cimuti cimo, Adamu na Efa. Filya finefye. Nga mufyalo ifyo twaikalamo, eficinja amalangi yesu; tafyakwata nangu cimo icakucita neco. Lesa afwilile ifibumbwa fyonse: umuntu wabuuta, uwafiita, uwatuntula, uwa cinya muti, uwakashika, na bonse. Bonse fibumbwa fyakwa Lesa.

<sup>61</sup> Lelo namayo naiminina pano pa cintu cimo. Limbi ena untu wacetekela, limbi ena tali. Limbi ena mubembu. Limbi kuti ewashila. Ena limbi kuti aba umulwele, limbi tekuti abe. Ena limbi kuti akwata; ubwafya bwa ndalama. Nangu kuti limbi eminineko umuntu umbi. Nshishibe. Nshatala ukumumonapo, kabili Nshikwetepo ukwishiba ico akonkele pano ukucila pa cintu nangu cimo. Namayo ewishibe ico. Bushe co cishinka, na mayo? [Nkashi atila, “Ee, mukwai.”—Kale.] Ngacakutula ico nacilungama, imyako ukuboko kobe pakutula abantu bamone.

Imyakofye ukuboko kobe pakuti abantu. . .Imyakofye ukuboko kobe. Uku e kukumana kwesu ukwa ntanshi. Nomba nga Shikulu Yesu ali. . .

<sup>62</sup> Ngacakutula nalwala, Tekuti mundape pamo Naiwe. Lelo nga—ngacakutula Yesu aisa pano kuti Amundapa, pantu Alicitapo kale ico lintu Afwile pa Kalbale. Lelo Ena kuti acita icintu cimo ukushininkisha ukutula Ena acili ni Yesu umo wine, kabili ena kuti acicetekela, ena kuti aundapwa. Kabili inshita imo ine wene ena ali no kundapwa, naiwe kuti waundapwa, pamo, ngacakutula iwe wacetekela ico. Bushe ico nacilungama? Nomba, lekeni Shikulu afikilishe ico. Ndelolela pakusubwa kwa Mupashi wa Mushilo, ifyo fine.

<sup>63</sup> Kabili nomba, mwi Shina lyakwa Yesu Kristu, Nabula onse umupashi muno ukuba pesamba lya butungulushi bwandi, ku bukata bwakwa Lesa.

<sup>64</sup> Nomba, na mayo, Ndefwaya fye iwe ukulolekesha pakashitafye akanono. Ndefwaya iwe ukucetekela no mutima obe onse. Kabili Nshikwete ukwishiba nelyo kumo ico ubelele pano, uo uli, ukucila icintu nangu cimo. Lelo Lesa alishiba fyonse pali imwe. Lelo nga Lesa alanjeba ico iwe ubelele pano pano, nomba wacetekela ukutula Yesu Kristu, Umwana wakwa Lesa, ali pano ukucita no kubomba umusango Acitilemo ilyo Ali pano pe sonde?

<sup>65</sup> Bushe ibumba lyalacetekela, nokulanda icintu cimo?

<sup>66</sup> Nomba ifwe tuli pano, icikope na cibikwa. Ifwe bonse natwimya amaboko yesu, ifwe tuli beni kuli umu no mubiye. Mupashi wa Mushilo ewalembela Baibele, atiile ifi fintu fili nokucitika muli buno bushiku, ukutula Yesu alibuuka ukufuma ku bafwa kabili ifi fintu fili nokutwalililapo, ubupyungishi Bwakwe buli nokutwalililapo, kabili muli shino nshiku shakulekelesha cili nokuba fye filya fine umusango Alailemo ukuba. Nomba bushe nacilungama?

<sup>67</sup> Na mayo, nge fyo ali no mwenso, mucine, ena alekusa amaboko yakwe pantu aleumfwa iceni pali ino nshita. Te pa mulandu ena naiminina pali ine; Ndi munyina wakwe, tekuti mulenge ukumfwa muli ilya nshila. Lelo ena ali—ena ali uwaibukila ukuti icintu cimo cilecitika. Kabili ulemona cilya cikope palya no Lubuuto pamuulu waciko, nkashi? Cilya ecalenga iwe ukumfwa muli iyo nshila. Ulya ni ulya Malaika wakwa Shikulu, Ena ali pamuulu obe nomba. Kabili iwe uuli pano pakutula nkupepeleko iwe, pabwafya bwamu numa ubo ulekalipwa nabo. Ico nacilungama, imyako ukuboko kobe.

<sup>68</sup> Nomba bushe wacetekela? Wamona, leka cishibikwe, icankama ca mutima. Kwati pamo ifyo Ena alandile, “Iwe walikwata abalume basano.”

<sup>69</sup> Imwe watila Ine. . .nomba, mwebeni, limbi kuti mwatila, “Munyina Branham atunganya ico.”

<sup>70</sup> Natumone ngacakutula kuti watunganya Ico. Ine nincetekela Cena cacitila naukwatera ukukalipwa kwa munuma. Bushe co cacilungama? [Nkashi atila, “Ee.”—Kale.] Cilya caciba e cine? [“Ee, mukwai.”] Kabili iwe walikwatapo ukubombelwa, pamo, kaili elyo wafuminefye mu chipatala. Kabili, ukutula wishibe ukuti Ndi mubomfi wakwa Lesa, umulume obe ekele kunuma kulya. Naena nakwatera ubwafya, pamo. Nga kuti Nakweba ifyo bwafya bwa mulume obe buli, bushe walacetekela? [“Ee, mukwai.”] Nakwatera ubwafya nolubali lwakwe kabili pamo ne numa yakwe. Bushe ico nacilungama? Imyako ukuboko kobe. Nalakweba icintu cimbi. Nimona umulumendo, umwana obe, ekele kunuma kulya, pamo. Nacilungama. Kabili umwana obe nakwatera fimo ifyakulandalanda. Ico nacilungama. Ishina lyobe niwe Misisi Stovall. Ilyo e shina lyobe, Misisi Stovall. Kabiye ku ng’anda, Yesu Kristu naasuka amapepo yobe! Iwe pokelela ico wacipushapo, mwi Shina lyakwa Yesu.

<sup>71</sup> Nomba cetekeleni fye! Imwe bonse mwe bantu bafiita, cetekeleni no mutima wenu onse nomba. Bushe muleiluka ukutula Yesu Kristu, Umwana wakwa Lesa, alibuuka ukufuma ku bafwa? Uyo Mupashi Wakwe uulekulenga ukumfwa muli uyo musango.

<sup>72</sup> Nomba uyu apa mwanakashi wabuuta. Ine nshimwishibe, nshikwetepo ne lyano pafyo ena ali, ifyo aba, nangu—nangu ico iwe ukonkele. Ngacakutula ico nacilungama, imyako ukuboko kobe. Nomba bushe wacetekela? Nga cakuti Lesa, kuti asokolola umutima wakwe, kwati nga fintufye Acitile ku mwanakashi pa cishima, kwati fintu Acitile ku mwanakashi wafiita, ni banga abantu babuuta abenga cetekela ngacakuti Ena alicitile ico? Pano, ine no uyu mwanakashi, bonse babili namaboko yesu pa muulu, kuno ekukumana kwesu ukwa kubalilapo.

<sup>73</sup> Ndesosa icintu cimo, na mayo tafuma kuno. Iwe wafuma ku kabanga, ukwisa ku mboshi elyo waisa pano. Ico nacilungama. Iwe wafuma ku Ohio, kabili umusumba ni Dayton. Ico nacilungama. Kabili ico wishile pano, nipa mulandu naukwatera ukunaka. Kabili uleumfwa umwenso, ulafilwa nokulala. Iwe ulanwa no muti pali ubo bwafya. Bakwita “Dixie,” ico nacilungama, Mason. Ico nacilungama. Bwelelenimo, iwe wakulala nomba, ukufuma muno bushiku ukuya ku ntanshi. Yesu Kristu nakundapa. Kabiye ni mwi Shina lyakwa Shikulu.

<sup>74</sup> Ngacakutula iwe wacetekela! Nomba imwe bonse mwibumba, ilyo ukusubwa kwa Mupashi wa Mushilo kuli muno, imwe cetekeleni, imwe mwebashikwete amakadi yakupepelwapo.

<sup>75</sup> Ngapalwa ulya umuntu mukalamba uwaciminina pano pakashita akapitapo, ulya, taciba...taciba mu mulongo, acikwata inambala iya lubana, nipesa apo aciba? Imwe, iminineniko pankasa shenu. Bushe uleacetekela Yesu Kristu

ukuba Umwana wakwa Lesa? Bushe ulencetekela ukuba kasesema Wakwe? [Munyina atila, “Ee, mukwai.”—Kale.] Cisuma. Naukwata ubwafya na ba pwapwa bobbe. Ico nacilungama. Cena cafumapo nombamba, kabiye ku ng’anda naundapwa! Yesu akupangila pwapwa umusuma, wamona.

Kwateni icicetekelo, kabili cetekela. Lesa ni Lesa.

<sup>76</sup> Muli shani, mukwai? Bushe walicetekela Shikulu Yesu Kristu? [Munyina atila, “Ameni.”—Kale.]

<sup>77</sup> Nombamba, kwaliko umuntu uwaishile kuli Yesu inshita imo, kabili aile nokupusuka, kabili aile nokweba cibusa umbi, kabili amuletele. Kabili uyu cibusa. . . Amwebele ukutula untu wacetekela. Kabili alisungwike pakumfwa, kabili atile, “Ni lisa Iwe wanjishibe?”

<sup>78</sup> Atile, “Ilyo Filipo acili talakwita, lintu iwe waciba pe samba lya cimuti, Ine nacikumona.” Cilya cali ba mailoshi amakumi yatatu ukushinguluka ulupili. Pamakasa, camusendele ubushiku bumu ukubwelela pa mulongo wamapepo, kabili lintu aingile mu mulongo wamapepo.

<sup>79</sup> Bushe naucetekela ukuti Yesu kuti anjeba ifyo bwafya bobbe buli? [Munyina atila, “Ee, mukwai.”—Kale.] Bushe naucetekela no mutima obe onse? [“Ee, mukwai.”] Bushe ibumba nalicetekela no mutima waliko lyonse? Cena tacili palwakwe abebele pano. Cili palwa muntu umu umbi; kabili ulya mwanakashi, kabili ena nakupikilwa ne mfwa, ulya ni nkashi yobe. Te filya fine uobe. . . Ni nkashi yobe. Kabili talimo muno. Ali mu cipatala mu Tennessee. Eico mwafuma kulya. Kabili imwe muli. . . Umwanakashi alikwete ukutumbula, lelo cena tacacitile ubusuma nangu bumu. Kabili imwe namwiminina mucifulo cakwe. Lesa apele icakulomba cobe. Kabiye, kabili leka Lesa ondape ulyo mwanakashi no kumulenga ukuba bwino, pa mulingo wa citetekelo ica uyu mwaume.

<sup>80</sup> Shikulu Lesa, twakalipila ulya ciwa aleesha ukusenda umweo wakwa ulya mwanakashi. Kabili lekeni uyu muntu, uyo uuli lupwa kuli ena, abe no mweo pantu naisa nokwisa mwimininako mucifulo cakwe. Yesu, Iwe waiminine pa Kalbale mucifulo cesu, kabili Iwe wali tundepe ifwe. Kabili twacetekela Iwe. Leka cena cibe ifyo. Ameni.

Kabiye, naucetekela nombamba, munyina. Wisenda itonkankanyo nangu limo pacintu cimbi.

<sup>81</sup> Uli shani? Tuli beni kuli umu no munankwe. Unomuku wakubalilapo ukukumana. (Nombamba bafye uwamucinshi, kabili kutikisha mupepi nokupepa.) Ngacakutula tatwaishibana umu no munankwe, kabili tuli beni kuli cila umu, limbi emuku wa kubalilapo ukukumana. Bushe ico nacilungama? Ngacakutula uno emuku wakubalilapo ukukumana, imyako ukuboko kobe. Ngacakutula Lesa ala sokololola kuli ine ifyo ubwafya bobbe buli, nombamba walancetekela ine ukuba umubomfi Wakwe? [“Ee,

Nincetekela ukuti muli ifyo fine. Imwe muli mubomfi wakwa Kristu.”] Ndekweba nomba. Tatwatala atukumanapo kunuma, lelo iwe uuli waku Kentucky. Ico nacilungama. Mwafuma ku ncende itwa Somerset, Kentucky. Cilya cishinka nganshi. Nafuma ku Burkesville, Kentucky. Kabili ulelwala kubulwele ubo ubuli mu—mu citombo, mumala, paciputulwa ca pesamba. Lyena lipwa londa. Ico nacilungama. Cisuma, Jewel [“Oh!”], iwe bwelelamo, Lesa apele ubundapishi kuli iwe. [“Oh!”]

<sup>82</sup> Bushe walicetekela mu Mwana wakwa Lesa, Yesu uwabuka? [Nkashi nakabili abilikisha, “Oh!”—Kale.] Ngacakutilla wacetekela! Iwe kuti wasunguka umulandu na mayo alesangalalila. Naiwe kuti wacita ico, pamo, [“Oh!”] ngacakutilla iwe waciba mu mibele ya mfwa. [“Lumbanyeni i Shina Lyakwe!”]

<sup>83</sup> Nshakwishiba iwe. Lelo Nshi...Nga Nshilufyenye, Nincetekela iwe wacibatishiwa muno lucelo, pantu Namona iwe ukucita icintu cimo icisuma. Lelo, ukwishiba iwe, Nshakwishiba. Iwe wacingilafye mucishiba, kabili ico caciba. . . ena aciba—ena acibatishiwa. Lelo bushe naucetekela Yesu kuti asokolola kuli ine amafya yobe? Bushe ibumba nalicetekela ico nomutima wabo onse? Nomona umwanakashi alemonekela pakati kandi na iwe. Iwe wiminineko umwanakashi, kabili no mwanakashi nakulapo ukucila iwe. Mulandu nshi, bena niba noko bobbe. Tabali pano. Bena bafuma ku Georgia. Kabili icine cine bali nomweso. Cinshi icilengele ico, ku cinja kwa bumi, ukuleka ukwikala. Kabili iwe wiminineko ba noko. Ico e cine. Ukuba, ena alecimfya ico, nokuba bwino. Iwe kabiye, naucetekela nomba, cena calapwa. Ubebe bakwate ukushipikisha kusuma.

<sup>84</sup> Lesa akupale, we mulumendo. Ukwate icicetekelo. Ulecetekela no mutima obe. Ngacakutilla iwe wacetekela! Pepa.

<sup>85</sup> Ndesubila ukuti iwe na Ine tuli beni. Lesa alikwishiba kabili Aishiba na ine. Lelo bushe Lesa kuti ansokolwela ubwafya bobbe? Kabili nga Ena kuti acita, bushe kuti wa Mucetekela?

<sup>86</sup> Ni banga abantu muno abenga cetekela, nokulanda ukutilla, “Lesa, Ine nalacetekela nga cakutilla Imwe mwalaeba ulya muntu”?

<sup>87</sup> Pakashita fye. Na mayo uwikele kunuma ya aba abakashana pano, uulelolesha pali ine, ena ali no bwafya bwa kufimba imishipa. Kabili ena ekele palya, ulepepelako umuntu umbi. Kabili umupashi wakwe naukumya Shimapepo Mukalamba, kabili alelanshanya na Lesa. Iwe ulepepelako cibusa obe, uyo uwa kwata ubwafya bwa kufulungana amano. Kabili bekala mu—musumba, umusumba unono, wena ni Corydon, Indiana. Ico nacilungama. Nga kuti wacetekela, iwe kuti wakwata ico wipwishepo. Ameni.

<sup>88</sup> Iwe walikwata ukusanswa kwa mutima; mupepi nakumpela ya musebo. Leka nkwebe ubwafya bobo bumo, nangula, ulapepa imishanga. Lolelako panono, uyo umupashi elyo wakutolokele nomba line. Tafwaya ukucita cilya. Cilya ecilenga ubwafya bwenu. Pano, pali *uyu* mulumendo uwikele apa pene, alefwaya ukuleka fwaka, nao. Ngacakutula alacetekela no mutima wakwe onse, umusango wakupepa fwaka walafwa. Ngacakutula wacetekela! Wacetekela ico? Ngacakutula wacetekela ico nokubombela pali cena, iwe kuti wapokelela ubulubulo obe; iwe cita *ifyo*. Iwe tauli wakuno. Ufumine ukutali nakuno, pamo. Bwelelamo ku Owensboro nomba, ulelumbanya Shikulu. Ukwate icicetekelo muli Lesa.

<sup>89</sup> Nikwishiba iwe, lelo Nshishibe icilubene naiwe. Ngacakutula Shikulu asokolola kuli ine ubwafya bobo ifyo buli, bushe walacetekela Ena? Lyena ninshi ubwafya bwa mala yobe bwalabafye bwino. Cisuma. Kabiye ku ng'anda nokusangalala, cetekela no mutima obe onse.

<sup>90</sup> Nshilecetekela Nalikwishiba iwe. Bushe tuli beni kuli umo no munankwe? [Nkashi atila, "Ee."—Kale.] Bushe ulecetekela cilya ico Ine. . . ? Nga Nakweba icishinka, iwe kuti waishiba cena cali icine atemwa iyo. ["Ee."] Cisuma, ubwafya bwa mutima obe bwalapwa. Kabiye ku ng'anda nokuba umutuntulu.

<sup>91</sup> Nshakwishiba, lelo Lesa alikwishiba. Bushe naucetekela ngacakutula Nakweba ifyo ubwafya bobo bwali, kabili napo bwabela, iwe walaundapwa? Nimunuma yobe. Kabiye ku ng'anda nomba, cena calapwa kabili walaba bwino.

<sup>92</sup> Uletontonkanya Lesa kuti aundapa ilyo ipwalonda kabili nokulilenga ukupola, ukwabula ukubombela? Wasumina? Imya amaboko yobe ngacakutula wacetekela ico. Kabiye ku ng'anda nokupokelela ico, mwi Shina lwakwa Shikulu Yesu. Cetekela.

<sup>93</sup> Ceni, lintu Nacilanda ico, iwe wacikwata icintu cimo cine. Ipwalonda. Iwe wacumfwa imyumfwile iyaibelako iyakusekesha lintu Nacilanda ico, pantu imipashi yonse ibiili yacitoloka, panshita imo ine. Kabiye, Yesu Kristu nakuposha. Cetekela.

<sup>94</sup> Iwe uli mulumendo, uwakukwata ukufimba mufundwa, lelo bushe wacetekela Yesu alakundapa? Ngacakutula wacita ico, endafuma kabiye, ulecetekela, kabili ba uwaundapwa.

<sup>95</sup> Nibanga abacetekela no mutima wenu onse?

<sup>96</sup> Nga ngacakuti Nshacilanda ishiwi kuli iwe, lelo ukukweba ukuti Lesa acikundapa lintu wacifika pa cinshoko palya kabili wacikwata ilya myumfwile iya ibela, bushe kuti wancetekela? Twalilila ukuya ku ng'anda. Yesu Kristu nakuposha.

<sup>97</sup> Uli namayo umunono uyo ulelwala umwenso. Bushe naucetekela ukuti Lesa alaundapa uyo umwenso nokuufumya pali iwe? Ulafwaya incende iyakutampilapo. Ino eyena pano.

Kabiye nomba, ulesangalala, uwa nsansa. Nacipwa, kuli iwe. Cetekela no mutima obe onse.

<sup>98</sup> Uli ne mibele yakumfwa umwenso ico icaleta ubwafya bwa mumala. Imwe mwacundapwa lintu mwaciminako kulya kunuma kulya, mukwai. Uyo wine mulandu Nacilamilole ukuti mwise mufike. Twalililepo ukuya, mulya ne cakulya ca cungulo bushiku cenu, namundapwa.

<sup>99</sup> Ubwafya bwakwa namayo, mwenso, nokusakamana, ukufulwafulwa. Ico nacilungama. Cena calafuma pali iwe nomba. Kabiye ku ng'anda naundapwa, mwi Shina lyakwa Shikulu Yesu. Kwatafye icicetekelo.

<sup>100</sup> Naukwata ubwafya bwa cinamayo, ico nacilungama, cilelenga ukusuma. Cena lini lyaiminina. Cetekela, Yesu Kristu nakundapa. Kabiye ku ng'anda, noku cetekela no mutima obe onse.

<sup>101</sup> Nomba, iwe naukwata imibele iyabipisha, ili mu mutima obe, namufwasa. Bushe naucetekela ukutila Yesu Kristu alakundapa? [Nkashi atiila, "Ee."—Kale.] Ngacakutila wacetekela ico, kabiye mwi Shina lyakwa Shikulu, nokuba uwaundapwa. Ukwate icicetekelo muli Lesa.

<sup>102</sup> Cisuma, munyina, bushe naucetekela ukutila Yesu Kristu nakundapa, naiwe? Kabiye mu mulongo, ululumbanya Shikulu.

<sup>103</sup> Nibanga kulya kunse nomba abacetekela mu Shikulu Yesu? Naishiba conse. . .

<sup>104</sup> Misisi Nash, Nalikwishiba, lelo Nshingafwaya lulya u Lubuuto ululeselela pali iwe. Nalikwishiba, lelo ulepepelako umuntu umo umbi. Ena mwaice umunono, mwana umunono, tekala kuno. Ekala kulya ku Tennessee. Kabili, ulepepelako pamo dokota cibusa obe ulya ukwete ubwafya bwa mutima. Kabili umukashi wakwe elyofye akwete ubulebe bunono. Ico nacilungama. Cetekela, kabili walaundapwa.

<sup>105</sup> Namayo munono uwikele pa mpela ya cipuna kulya, no munwe wakwe aubikile pa kanwa kakwe, cinshi uletontokanya, namayo mwaice? Walikwata ukana tontokanya bwino. Uletina ukuti limbi kuti wakwata naimbi. Ico nacilungama. Ngacakutila ico nacilungama, imyako ukuboko kobe, ilyo ulekumuna ifilamba fyobe mu menso. Witina, kabili tawakakwate ico.

<sup>106</sup> Namayo uwikele mupepi naiwe apo, walikwata ukufwasa kwa cifuba, ubwafya bwamipemene. Uleke ukupepa, cili nokupwa.

<sup>107</sup> Ukwate icicetekelo muli Lesa. Cetekela no mutima obe onse. Ngacakutila kuti wacetekela, ifintu fyonse kuti fycitwa!

<sup>108</sup> Pano pali namayo uwikele kunuma yakwa uyu namayo apa. Ninshininkisha iwe uli. . . Namayo, panofye, ishina lyobe niwe Misisi. Evans. Afuma ku Kentucky, Louisville. Ico



nacilungama. Nshakwishiba. Iwe nawishiba ukutila ico e cine. Walikwata ubwafya bwa mutima, walikwata pamo ubwafya bwa matwi yobe. Ico nacilungama. Ngacakutila ico nacilungama, imyako ukuboko kobe. Bwelelamo ku Louisville, Yesu Kristu nakundapa.

<sup>109</sup> Ndebecanya ne cicetekelo cobe, mwi Shina lwakwa Yesu Kristu, ukucetekela ico. Umuntu onse uuli pano, acetekela no mutima wakwe onse! Ukubwelelako kunuma, wewiminine kumimako kulya, cetekela. Taulekabila ukuba mu cifulo icili conse. Kuno *kwine* lubali, cetekela! Nibanga kunuma uko balefwaya ubundapishi? Imyeniko amaboko yenu, kabili matile, “Nacetekela, Shikulu.” Kwateni icicetekelo!

<sup>110</sup> Uwikele kulya kunuma muli *iyi* ntunga pano, Namona umwaume uulepepa mucishinka, mu cimonwa, eminine kulya, ni kashimikila, eminine lubali ne cintamba, kabili aleshimikila pakufula...alepepela pakufula mu bupyungishi bwakwe. Nshatala mumonapo kale mu mweo wandi. Lelo ico eco ulepepelapo, munyina. Walakwata ico nomba. Cetekela pali Shikulu Yesu!

<sup>111</sup> Kuli umwaume uwikele kunuma yakwe kulya, uyo ukwete icintu cimo icalubana ku kuboko kwakwe, ifyafimba pakuboko kwakwe. Ena pamo...Ngacakutila wacetekela ico, mukwai, walapokelela ubundapishi bobe. Ameni.

<sup>112</sup> Pano *penefye* pa mpela yauno mulongo, uwacibili mukati, namayo munono nomutwe wakwe panshi, kunuma kwine ukulola kunuma, pekele palya uulepepa, akwete ubwafya bwandusha. Efyo- cili, namayo, imyako ukuboko kobe, kabili Ninkwishiba niwe—niwe umu wewacila pepa. Wacipokelela ubundapishi bobe palya pene nomba.

<sup>113</sup> Cili shani ico, bushe naucetekela Yesu uwabuka ku bafwa? Bushe Ali pano nomba? Bushe Naumucetekela? Nomba ngacakutila wacetekela, ngacakutila Ninkweba Icine camuli Baibele, kabili Lesa na pilibuka noku shininkisha ukutila Ninkweba Icine, icapwililika cena, Shikulu Yesu ali pano. Bushe ico nacilungama?

<sup>114</sup> Nomba iwe cita ici, cita ici, witwishika, iwe bika amaboko yobe pa muntu umu uwikele mupepi na iwe. Nalapepa ukufuma pano pene, kabili ne bumba lyonse lyala undapwa nombaline ngacakutila mwacetekela ico. Bushe mwacetekela ico? Biken i amaboko yenu pali umu no munankwe, nomba. Bonse abalacetekela bala undapwa nomba, landeni, “Ameni.” [Ulukuta lwatila, “Ameni.”—Kale.] Nomba imwe...Nalalanda ili pepo. pepeni leyena, Pepeni ukukonka panuma yandi:

<sup>115</sup> O mwe Shikulu, Kabumba wa Myuulu ne sonde, Kapela wa Mweo wa muyayaya, Kapela wa cabupe cisuma, Ndi noku kabila, Shikulu, ukwa maka ya bundapishi Bwenu. Kabili Napepa ukutila Mwala mpela icicetekelo ica kupokelela ico.

Bwena ebulayo Bwenu. Nincetekela ukutila Niwe umu wine Yesu we waendele palulamba lwa Galili, mwe baculile pesamba lya Pontius Pilato, mwafwile mwabukile, mwaile mu Muulu, mwapela ifya bupe pa bantu, ukupitila mu Mupashi wa Mushilo. Nincetekela Mupashi wa Mushilo ali pano ukutwalililapo ne milimo imo ine iyo Mwaacitile lintu Mwali pano. Napokelela ubo ubulayo. Napokelela ubundapishi bwandi. Nalaya ukwikalila Imwe noku nakila Amafunde Yenu, nakula enda mu Lubuuto. Kabili nomba Nacetekela, pantu Nimpanga uku kulanda, kwakutila Ni mpola mu fipumo Fyenu.

<sup>116</sup> Ikala tondolo icinecine. Nomba tontonkanyafye, uko ekulanda kobe, Lesa aisa muli iwe nomba line. Pemena mu Mupashi wa Mushilo, ukupitila mu cicetekelo, “Nacetekela ukutila imibele yaundapwa. Nacetekela ukutila uku lwala kwandi kwafumapo.” Uuli nomba line Mukubapo kwakwa Lesa. Bushe tauleumfwa uyo Mupashi? Isula umutima obe, ici—icicetekelo cobe. Mupashi wa Mushilo aleundapa abantu nomba line; umukashana munono uwikelefywe pano, naumbi umu ku kulyo kwandi. Icintamba conse cilemoneka ukwaka na Maka yakwa Kristu uwabuuka. Ali mwi bumba. Ali mubantu. Nomba, ilyo epepo lyandi.

<sup>117</sup> Nomba Nalapepa nokwipusha iciwa cakutwishika ukufuma pali iwe.

<sup>118</sup> O mwe Shikulu Lesa, Kabumba wa Myuulu ne sonde, umfweni ipepo lyandi, Shikulu; bwangu, ilyo Mupashi wa Mushilo ali pano, ilyo abantu tabalaonaulwa.

<sup>119</sup> Nakalipila ciwa. Yesu Kristu afumishepo ukucimfya pali owe, Acimfishe ico pa Kalbale; Acimfishe imfwa, ciwa, imbo, ne nshinshi, nokwima nakabili pa bushiku bwalenga shitatu, kabili wa mweo inshinku shonse. Fuma pano, Satana, uuli muntu wacimfiwa. Fuma pali aba bantu, kabili leka bena bondapwe, mwi Shina lyakwa Shikulu Yesu Kristu.

<sup>120</sup> Bonse abapokelele ubundapishi bwenu, iminineniko pamakasa yenu nombaline. Mwi Shina lyakwa Yesu Kristu, iminineniko! Amen. Imyeniko amaboko yenu kuli Ena, kabili Mulumbanyeni. Abantufye bamo abo Namona abashimine, kuli umuntu uwikele pano mu mupando wakusunka, Gane Heelie. Ninjishiba ubwafya bwakwe, bwafya bwa molu ayashenda.

<sup>121</sup> Camoneka kwati umupando wakusunka naubwela *pano*. Lekenimone. Kuliko ubwafya, namayo nokulu kumo. Bushe ico nacilungama? Bushe naucetekela ine ukuba kasesema wakwa Lesa? Ndi mweni kuli iwe. Ine tekuti nkundape. Lelo bushe naucetekela ukutila Lesa kuti anjeba ubwafya bobeb? [Nkashi atila, “Ee.”—Kale.] Nga cakutila kuti cacitwa, bushe kuti cakwafwilisha? Iwe walikwata ubulwele bwa shuga. Ico ecine. Nomba cetekele, kabili kabiye ku ng’anda nokundapwa, mulya

mu mupando wakusunka. Ico iwe ufwile ukucita, kucetekela muli Shikulu Yesu Kristu, kabili nokundapwa!

<sup>122</sup> Imyako amaboko yobe nomba, kabili—kabili landa ukutila, “Natotela Imwe, Shikulu, pakundapa ine. Natotela Imwe, Shikulu, pakundapa imwe. Nalumbanya Imwe, Shikulu, pakundapa ine. Lesa musuma! Lesa mukalamba! Lesa aliwama! Lesa mutuntulu! Lesa ali pano! Mupashi wa Mushilo Ali pano. Amaka Yakwa Lesa yali pano. Kabili nomba Nacetekela na fyonse ifili muli ine, ukuti Yesu Kristu, u Mwana wakwa Lesa, namposha. Amenii.”

<sup>123</sup> Nga cakutila kuliko umo pano uyo uwasekwa kulubembu, kabili alishiba ukutila imembu shakwe tashaba pesamba lya Mulopa, kabili nombaline Mukubapo ukwakwa Lesa, Uyo uwishibe amatontonkanyo yobe, kabili na Mupashi wa Mushilo alenjeba ici, bushe kuti wafwaya ukumupokelela Ena ngo Mupusushi obe, ulefwaya uku kwibukishako mwipepo? Imyeniko amaboko yenu bonse mwebali pano. Lesa amipale, kabili iwe, kabili iwe, kabili iwe, kabili iwe. Ico nacilungama. Ukubwelela kulya kunuma, iwe, kabili na pano. Icine cine. Ukubwelela pano, Lesa akupale iwe, we mwana. Lesa amipale uko. Kabili Lesa amipale imwe. Ico nacilungama.

<sup>124</sup> Mwamona, Mupashi wa Mushilo tatala apangapo icilubo. Lintu Mupashi wa Mushilo alanda...Nacila tontonkanya ukucinja ukulongana ukupela kuli Munyina Neville, pantu ukundapa kwapwa, lelo Icintu cimocacilanda ukutila, “Bena balefwaya ubundapishi bwa mweo.” Nga cakutila iwe ulefwaya ukupokelela Yesu ngo Mupusushi obe, konteka umutwe obe pakashita akanono. Natupepe.

<sup>125</sup> Munyina Neville, Ine ndi uwafwelela, pela ili ipepo, bushe kuti wacita ico. Cisuma.

<sup>126</sup> [Munyina Neville apepa, “Taata uwamu Myuulu, mwi Shina ilyakwa Shikulu Yesu Kristu, Uyo uwishile pano nokwenda mubukata pakati kesu muno bushiku, nga fintu aba bakonteke imitwe yabo, mucicetekelo muno bushiku, ukucetekela ukuti Imwe muli abalinga ukubapususha, kuli fyonse fibili umweo no mubili, pususheni abo abacetekela nomba mu cicetekelo cakulapila. Lesa Mwebatemwikwa, lekeni buno bube ubushiku ubwaibelako kuli bena. Bapeleni nomba ukukabila, O mwe Lesa. Kabili bapeleni bena nomba, O mwe Shikulu Yesu, kulya ukukabila ukwishiba ukukalamba ukwakutila imembu shaelelwa. Pususheni onse, O mwe Lesa, abo abakonteke imitwe yabo kulya, abo abepwishe ukufwaya kwepepo. Kabili lekeni bena, ukufuma pali ino nshita ukuya kuntanishi, lekeni bena bacifwaye mu mitima yabo ukwikalila Ena Uyo uwabafwilile bena. Mwi Shina ilyakwa Yesu napa mulandu wakwa Yesu ifwe twapepa. Amenii, kabili amenii. Lumbanyeni Shikulu!”—Kale.]



*ICISHIBILO CAKWA MESSIYA* BEM59-0329E  
(The Sign Of The Messiah)

AMASAMBILLO YA PE PASAKA AYAKONKANA

Iyi Mbila na Munyina William Marrion Branham yaletelwe intendekelo mu Cingeleshi pa Mulungu we Pasaka ichungulo, muli Kutumpu pa 29, mu 1959, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)